



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

xxvj Beda Presbyter Anglus.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

die Abergläubigen Leuth/der Wein sol wol ge-
 rahren/ vnd tragen einen Ströhern oder Höl-
 kern Gösen mit grossen geschrey durch alle
 Gassen/vnnd fahen an von morgen/ bis wider
 morgen zu frässen vnnd sauffen / Darmit ver-
 meynen sie ein glückselig Weinjar von Sancti
 Urban zuerlangen. Wann aber derselbig tag
 nicht klar vnnd hell ist/ so schleiffen sie den Gö-
 sen durch alle stinckende Pfüsen. Wer wolt
 aber solcher Abgötterey vnnd Blindtheit nicht
 lachen?

Dieser ist ein fürtrefflicher gelehrter Engel-
 ländischer Priester geweest / Er hat gelebet
 zur zeit Justiniani II. Römischen Kessers/ im
 jar Christi 692. Er hat vnzählich vil in heiliger
 Göttliche Schrift geschrieben / vnder andern
 fürtrefflichen büchlin / De natura & tempo-
 ribus. Er ist vmb seiner hohen Tugendren
 vnd Kunst willen Venerabilis Beda, das ist/
 der Ehrwürdig Beda genandt worden.

Nach dem er viel mühe vnnd arbeyt mit le-
 sen/schreiben vnd predigen vollbracht hat/ ist er
 seliglich im 72. Jar seines alters/ vnd im 732.
 jar Christi gestorben.

Dieser

ban
 8
 xvij
 Beda.